



Rujukan : UKM PNC/224/2  
Tarikh : 21 Jun 2018

**PEKELILING PRO NAIB CANSELOR (KAMPUS KUALA LUMPUR) BIL.1/2018****DEKAN/PENGARAH/KETUA/PENGETUA  
FAKULTI/INSTITUT/HOSPITAL/JABATAN/KOLEJ  
KAMPUS KUALA LUMPUR**

YBhg. Prof./Dato'Seri/ Datuk/Dato'/Datin/Tuan/Puan

**PENSTRUKTURAN SEMULA KAMPUS KUALA LUMPUR**

Dengan hormatnya izinkan saya merujuk perkara di atas.

2. Sukacita dimaklumkan bahawa mulai 15 November 2017, sesuai dengan keputusan Lembaga Pengarah Universiti (LPU) Bil.106/2017, Universiti telah bersetuju untuk menstruktur semula pentadbiran Kampus Kuala Lumpur (KKL) dengan melantik seorang Pro Naib Canselor (KKL) bagi mengetuai tadbir urusnya. Cadangan penyusunan semula struktur organisasi Pentadbiran KKL-UKM ini telah diluluskan dalam satu mesyuarat jawatankuasa khas yang dipengerusikan oleh Ketua Setiausaha Negara (KSN) dan berkuat kuasa mulai 1 Januari 2018. Perbendaharaan Malaysia melalui Surat Kelulusan Perjawatan (S.K.P.) yang dikeluarkan telah menetapkan Pentadbiran KKL-UKM adalah merupakan sub-program baharu di bawah Jabatan Canselori, UKM.

3. Dalam struktur organisasi terkini Pentadbiran KKL-UKM, terdapat beberapa perubahan tadbir urus yang dilaksanakan bagi memastikan keefisienan dalam penyampaian perkhidmatannya. Antara inisiatif yang dilakukan ialah dengan menaik taraf fungsi beberapa bahagian pentadbiran serta mengalih daya (*redeployment*) kakitangan melalui kaedah pindah butiran waran perjawatan. Mengalih daya (*redeploy*) sumber tenaga manusia ini adalah bertepatan dengan saranan pihak Kerajaan untuk mengoptimumkan sumber dan menstruktur semula deskripsi tugas (*Job Description*) mengikut kesesuaian semasa tanpa perlu mewujudkan sebarang penambahan jawatan baharu. Sebagai contohnya, beberapa fungsi jabatan peringkat dalaman Hospital Canselor Tuanku Muhriz (HCTM) yang bersifat pentadbiran telah dinaikkan fungsinya ke Jabatan dan Pusat di peringkat Pejabat Pro Naib Canselor (KKL). Ini bertujuan untuk memberi ruang kepada pengurusan HCTM menumpukan sepenuh perhatian terhadap perkhidmatan klinikal dan pesakit yang menjadi fungsi terasnya.

4. Setelah Pentadbiran KKL-UKM bergerak untuk tempoh enam bulan (Januari-Jun 2018), pihak pengurusan telah melaksanakan beberapa perubahan yang menghasilkan impak positif. Antaranya ialah:

- 4.1 Beberapa ketidak patuhan peraturan dan syarat dalam mengurus hal-ehwal perjawatan yang sebelum ini mendapat teguran daripada pihak JPA telah dapat diselesaikan. Pada 1 Jun 2018 semua waran perjawatan yang berdaftar atas S.K.P. HCTM yang berada di Fakulti Perubatan dan sebaliknya telah dikembalikan kepada S.K.P asal masing-masing seperti yang diluluskan oleh JPA dan Perbendaharaan Malaysia sebelum ini;
- 4.2 Bahagian Governan dan Pentadbiran, Jabatan Pendaftar (KKL) telah menggabungkan semua aset dan sumber manusia di Unit Kenderaan (Cheras, Jalan Raja Muda dan Jalan Temerloh) di bawah satu bahagian (BGF-KKL). Melalui penggabungan ini sumber tenaga dan aset dapat dioptimumkan. Penjadualan pemandu dan tempahan kenderaan adalah dibuat melalui sistem sepenuhnya mulai 1 Mei 2018 dan masalah kekurangan kenderaan serta pemandu dapat diatasi;
- 4.3 Birokrasi dan kebergantungan proses perolehan kepada UKM Bangi bagi hospital/fakulti/institut/kolej di KKL dapat dikurangkan. Ia kini telah dilaksanakan secara berpusat di Jabatan Bendahari (KKL);
- 4.4 Semua caj di KKL telah diseragamkan melalui penubuhan Jawatankuasa Kerja Polisi Kadar Caj KKL yang turut menamakan keahlian daripada Khazanah UKM;
- 4.5 Pemusatan keputusan permohonan kerja naiktaraf/pembangunan ruang/infrastruktur ke Mesyuarat Pengurusan KKL telah mempercepatkan proses saringan permohonan dan kelulusan;
- 4.6 Pemusatan isu penyelenggaraan PTj KKL di bawah Prasarana (KKL) tanpa perlu merujuk kepada PRASARANA, UKM telah mengurangkan birokrasi dan tindakan menjadi lebih pantas;
- 4.7 Pemusatan keputusan berkaitan ICT di Mesyuarat Pengurusan KKL telah mengurangkan birokrasi dan tindakan menjadi lebih pantas;
- 4.8 Strategi ICT dapat dilihat secara menyeluruh meliputi keseluruhan KKL;
- 4.9 Pusat Jaringan, Komunikasi Korporat & Teknopolis Kesihatan (JAKOM-TEK) telah memberikan khidmat kepada seluruh KKL dengan mengurangkan kebergantungan kepada PKK Bangi;
- 4.10 Urusan Teknopolis Kesihatan lebih berstruktur dengan wujudnya portfolio khusus di bawah JAKOM-TEK;

- 4.11 Pembekalan alatan implan untuk Kardiologi, EIR, Oftalmologi dan Endoskopi telah dipermudahkan proses kerjanya dengan dibuat melalui sistem. Urusan untuk pesakit yang layak mendapat bantuan dibuat secara setempat di Lobi Utama dan ini dapat meringankan beban pesakit untuk berulang alik;
- 4.12 Inovasi penyediaan carta alir tuntutan bayaran telah dapat mengenal pasti pemulihan kos (*cost recovery*); dan
- 4.13 HCTM telah dapat menumpukan perhatian terhadap penambah baikan perkhidmatan klinikal dan pesakit setelah beberapa fungsi pentadbiran diambil alih oleh Pejabat Pro Naib Canselor (KKL).
5. Pihak pengurusan Kampus Kuala Lumpur sentiasa berusaha dan komited untuk memberikan perkhidmatan yang terbaik kepada semua pemegang taruh serta pelanggannya termasuk pelajar, pesakit dan warga universiti. Namun hasrat ini hanya akan terlaksana jika seluruh warga KKL dapat bergerak sebagai satu pasukan dan meletakkan agenda dan visi UKM sebagai panduan utama bagi mengerakkan transformasi di Kampus Kuala Lumpur.
6. Bersama-sama ini dilampirkan Carta Organisasi Kampus Kuala Lumpur sebagai rujukan.

Kerjasama dan perhatian YBhg. Prof./Dato'Seri/ Datuk/Dato'/Datin/Tuan/Puan dalam perkara ini adalah amat dihargai.

Sekian, terima kasih.

Yang benar,



PROF DATUK DR. A RAHMAN A JAMAL  
Pro Naib Canselor  
Kampus Kuala Lumpur

- V  
s.k. - Naib Canselor UKM  
- Timbalan-Timbalan Naib Canselor UKM  
- Pengarah Eksekutif Pentadbiran UKM  
- Pemangku Pengarah Eksekutif Kewangan UKM  
- Ketua Pustakawan UKM